

長春宮同袍策馬於前高山下爲雪阻故賦一絕以寄耳
湛湛清虛不立言報人氣象應無偏迢迢千里來相訪雪擁山
門馬不前

前高山連日雪戲題

雪霧濛濛不暫休青松綠檜也添愁更因書疏東來急一夜青
山盡白頭

沁城龜山遊憩得三絕

銅川已見可開顏闔郡民蘇山水間更有清高堪賞處興來閑
步上龜山

又

道藏輯要

葆光集

无

胃集十

上得龜山四望明世間觀透快人情我今幸遇清涼地唯願諸
方早太平

又

每到龜山照四方四方何處不窮荒從今覺徹人間世酷暑來
時心也涼

閑中

體性玄虛感處通還能應感便玲瓏玲瓏養就無中妙妙體真
空空不空

又

修真要解祖和宗宗祖時時顯聖功借問祖宗在何處能言能